

Le Comun recorda che la cumpèda di grups linguistics é de gran importanza por definí le proporz di grups linguistics te Südtirol. La detlaraziun mëss gní dada jö da vigni zitadin/zitadina che à ai 30.09.2023 la zitadinanza taliana y la residënza te Südtirol. ONLINE pó la cumpèda ma plü gní fata cina en jöbia ai 29.02.2024 tres le SPID, la cherta di sorvisc CNS o la cherta d'identité eletrónica CIE sön le sit: <https://www.censimento-linguistico.provincia.bz.it/> I geniturs pó dé jö la detlaraziun ince por i mituns/les mitans sot ai 18 agn tres so SPID/CIE/CNS, i mituns/les mitans danter i 14 y 17 agn á ciafé n codesc dal ASTAT y pó insciö, tres SPID/CIE/ CNS di geniturs, dé jö instèsc súa detlaraziun. Por ciafé le SPID o la CIE o ativé la CNS pon jí te comun. Do chësta data messará vigni porsona che n'á nia tut pert ala cumpèda online gní contatada da n relevadú y dé jö la detlaraziun sön papier.

PLOANIES SAN MARTIN Y LUNGIARÜ

Invit a düc i geniturs che á na möta o n möt da batié, pers che aspeta, toc y totes, ala preparaziun dl Bato, en sabeda, ai 2 de merz, dales 15.00 ales 17.00, tl pice salf tla Ciasa Runcher a Badia. Prenotaziuns 334 32 00 396.

SAN MARTIN

En sabeda, ai 2 de merz, él le Dé Mondial de Oraziun dles Ères cun oferta por les ères dla Palestina, Tansania y Camerum sot al tema "formaziun y educaziun ala pesc pro ères y jonèza". Pro mëssa presentèia la uniun dles ères le proiet de aiüt y al vëgn ince trat ite l'offerta por chësc fin.

Al vëgn bel perié do le contribut por scialdé la dlíja, che vëgn trat ite cun l'offerta tratan mëssa: incö sabeda 24 y indoman domènia 25 de forá
Al pó ince gní paié por banca IBAN IT 11 J 08010 58830 000304004922

Invit ai Seniors y Seniores da San Martin y Antermèia al iade a Spinges
Incö domènia 25 de merz ultimo termo da se prenoté pro Alfred 333 36 54 786.

Les iscriziuns ales Scores de musiga dla Provinzia por l'ann de scora 2024/25 é da fá "online" dal 01 de merz cina ai 31 de merz 2024 tres le sorvisc d'aministrazion provinciala "myCivis" <https://civis.bz.it/einschreibung-musikschule>
L'azes al sorvisc online vá tres SPID, CIE (cherta d'identité eletrónica) o cun la "cherta di sorvisc" ativada. Informaziuns plü avisa www.musikschule.it -
Secretariat Scora de musiga La Ila: Tel. 0471/847748.

La Uniun Ladins Val Badia invièia ala presentaziun dl liber "Sciöch'i sun vái bun" en mertesc ai 27 de forá dales 16.00 tl Zënter cultural "Saj.un" a La Ila.

Döt le bun a chi che complësc i agn de merz

a San Martin Heinrich Castlunger che nen complësc 80 ai 4
Zita Penazzi Tavella che nen complësc 80 ai 14

a Lungiarü Maria Verginer Clara che nen complësc 81 ai 13



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - klcottsas@rolmail.net

redaziun: anton.gasser@rolmail.net - 348 27 44 517 / 0474 523 194

25.02. - 03.03.24 n. 13

ultimo termo por comunicaziuns: jöbia, dales 20.00

2ª Domènia de Carsëma - ann B

Vangele do san Merch 9,2-10

Gejù à tut Pire, Iaco y Jan sön na pert y i à condüt sön na gran munt, mo mà ëi susc. Y al é gnü trasfiguré dan da sü edli; sü guanç é gnüs blanc raiënc, tan blanc co degun lavadù söla tera n'é bun da i fà.

Dailò é aparì dan da sü edli Elia y cun ël Mosè, y ai baiâ cun Gejù.

Spo él gnü n nio che à lascè tomè súa ambria sön ëi, y fora dl nio cherdâ na usc: Chësc é mi Fi bunorü; ascutédele!

Canch' ai â spo ciarè incërch, n'odô i t'en iade plü degügn pro d'ëi ater co Gejù.

Tratan ch' ai jô jö dla munt,

ti àl proibì de ti cuntè a zacai ci ch' ai â odü,

cina che le Fi dl Om ne n'è ressorì dai morc.

Chësta parora ti dê da ponsè,

y ai se damanâ un l'ater ci che chësc dô ester:

ressorì dai morc.

Denant che i discepoi vëgn a baié de öna dles domandes zentrales dla fede sura la mort y la ressureziun, feji na esperiënza demorvèia cun Gejù.

Gejù tol sü mius compagns, Pire, Iaco y Jan, y vá sön la munt de Tabor.

I crëps é dagnora bele stá posc de incuntada cun Chël Bel Dî.

Gejù vëgn trasfiguré y lomina sön Elia y Mosé; al mëss ester sté dër bel dailó, tan che Pire ó fá sö trèi üties y resté dailó por tres.

Do ch' ai â aldí la usc "Chësc é mi Fi bunorü; ascutédele!" se desfanta l'apariziun.

Da gní jö dla munt baia Gejù, do chësta bela esperiënza, de mort y ressureziun, de fortuna y mort, de morí y ressorì.

Plü che chësc é un dlungia l'ater, tan plü ert fejon da s'al imaginé!

Ma bun che i discepoi de Gejù á sciuré sö chësta domanda,

olach'al s'incunta le dejider plü sot dla jënt y ci ch'an n'é nia bugn da s'imaginé:

"Ci é pa chësc - ressorì dai morc?"

Image



EDEMA	SAN MARTIN	LUNGIARÜ	
25.02.24 2ª Domènia de Carsèma	9.30 Corona (cun don Yuriy) 10.00 Gran Mëssa por la Comunité + + Fonjo y Dolfo Unterweger + Rita Costabiei, dl ann + Egon Valentin + + Milio y Ottilia Castlunger	7.50 Les Staziuns (cun don Yuriy) 8.15 Gran Mëssa por la Comunité + frater Felix Ploner + Alfonso y Cecilia Mischi + Regina Daporta	<p>PLOANIA DA SAN MARTIN</p> <p>Tla sentada ai 20 de forá á le Consèi de Cöra da San Martin traté i cunc che reverda l'ann 2023, les spèises é indô stades n pü maius co les entradas, mo cun l'avanz dl ann passé vára da ne ester nia ruvá ti debic. Vigni familia ciafará ciamó dan Pasca na informaziun plü detaliada sòn la situaziun de cassa.</p> <p>Al é spo gnü baié dla Carsèma, de süa importanza tl cèrtl dl ann liturgich y dles funziuns y tradiziuns che gnará tignides. Al ti gnará ince dé lerch ales confesciuns.</p> <p>Le büst te chël che al vëgn metü ite le caresc cun la relicuia de San Germano é tan co realisé y al gnará metü sö te dlijia dlungia le pice üsc.</p> <p>Te vigni sentada dl Consèi de Cöra vëgnel dé informaziuns de ci che vëgn fat fora y proponü dal'Unité Pastoral da Val Badia: d'aurí sarâl n curs por leturs y leturies, n referat por duc chi che fej n sorvisc incër dlijia, n referat por i geniturs di Crejimanc, l'edema dla fede dai 13 ai 20 d'otober y d'ater.</p> <p>Ala fin dla sentada é l ciamó gnü definí n valgügn punc che reverda l'organisaziun de festes y d'ater. La Festa di iubilars maridá é preodüda ai 13 d'otober, la Pröma Comuniun ai 14 d'aurí, i dis dles Crusc dai 9 ai 11 de ma.</p>
26.02.24 <i>Mosé, Matilda</i> Lönesc			
27.02.24 Dedolönesc <i>Severin, Iulian</i>	8.00 Mëssa + siur Heinrich Videsott + Angela Schanung		
28.02.24 Dedemesaledema <i>Roman, Silvana</i>	18.00 Les Staziuns	7.30 Mëssa a d'intenziun de Albina Pezzei, Pinis	
29.02.24 Jöbia <i>Oswald, August</i>	18.30 Mëssa + Mariangel Tavella + Leopold Flöss (dla Uniun)		
01.03.24 Pröm vëndres <i>De mondial d'oraziun dles Eres</i> <i>Albin, Davide</i>	18.30 Adoraziun chîta 19.00 Adoraziun de Carsèma	7.00 Adoraziun y confesciuns 7.30 Mëssa + Vinzenz Clara, postin 16.30 Les Staziuns cun scolars y families	
02.03.24 Sabeda <i>Agnes dla Boemia, Ines</i>	18.30 Mëssa prefestia De Mondial d'Oraziun dles Ères cun oferta 3ª de sopoltöra de Pio Baldissera + Anna Mairunteregger (dla Uniun) + Franz Gögele, Maran		
03.03.24 3ª Domènia de Carsèma <i>De dla solidarité KVV-ACLI</i>	9.30 Les Staziuns 10.00 Liturgia dla Parora	7.50 Les Staziuns (pater Franz) 8.15 Gran Mëssa por la Comunité De Mondial d'Oraziun dles Ères cun oferta dl ann + Serafin Clara + Vito Clara, Somví dl ann + Johanna Schanung, Iachin + Frida Dapoz	